

Kantonalno javno komunalno preduzeće
„GRADSKI SAOBRAĆAJ“ d.o.o. Sarajevo
ul. Srđana Aleksića 1, Sarajevo

UPRAVA PREDUZEĆA

Broj: 04/471

Datum: 01-09-2025

Na osnovu člana 69. stav (1) tačka b) i stav (2) tačka d), člana 70. stav (1), (4) i (6) Zakona o javnim nabavkama („Službeni glasnik BiH“, broj 39/14, 59/22 i 50/24), člana 21 Pravilnika o nabavci roba usluga i radova KJKP „Gradski saobraćaj“ d.o.o. Sarajevo, **nakon provedenog otvorenog postupka javne nabavke roba za nabavku: „LOT 2012 B - STAKLA ZA VOZILA MINIBUS“**, Obavještenje o nabavci broj: 257-7-1-84-3-192/25 objavljeno na Portalu javnih nabavki dana 07.07.2025 godine, sažetak Obavještenja objavljen u „Službeni glasnik BiH“ broj: 40/25 od 11.07.2025 godine, na Preporuku Komisije za javnu nabavku (u daljem tekstu Komisije) broj: 7090, od 18.08.2025 godine, **Uprava preduzeća donjela je:**

ODLUKU

o poništenju postupka javne nabavke roba:
„LOT 2012 B - STAKLA ZA VOZILA MINIBUS“

Član 1.

Prihvata se Preporuka Komisije za javne nabavke broj: 7090 od 18.08.2025 godine i **PONIŠTAVA SE POSTUPAK JAVNE NABAVKE ROBA: „LOT 2012 B - STAKLA ZA VOZILA MINIBUS“** iz razloga što je ponuda ponuđača „DRR AUTO“ d.o.o. Kiseljak, (broj ponude 338/2025, zaprimljena na protokol ugovornog organa pod brojem 6456 od 28.07.2025. godine), **neprihvatljiva obzirom da je cijena ponude, jedina prispjela ponuda u postupku nabavke, znatno veća od obezbjeđenih sredstava za predmetnu nabavku.**

Član 2.

Ova odluka objavit će se na web-stranici Ugovornog organa, www.gras.ba, istovremeno sa upućivanjem ponuđaču koji je učestvovao u postupku javne nabavke, u skladu sa članom 70. stav (6) Zakona o javnim nabavkama.

Član 3.

Odluka stupa na snagu danom donošenja.

Obrazloženje

KJKP „Gradski saobraćaj“ d.o.o. Sarajevo (u daljem tekstu: Ugovorni organ) je, u skladu sa odredbama Zakona o javnim nabavkama BiH („Službeni glasnik BiH“ broj 39/14, 59/22 i 50/24), Odlukom o pokretanju postupka javne nabavke broj: 04/257, od 03.06.2025 godine, pokrenuo postupak javne nabavke roba „Stakla“ čiji predmet nabavke je podijeljen na LOT-ove:

1. „LOT 2012 - STAKLA ZA VOZILA“
2. „LOT 2012 A - STAKLA ZA VOZILA AUTOBUS“
3. „LOT 2012 B - STAKLA ZA VOZILA MINIBUS“
4. „LOT 2012 C - STAKLA ZA VOZILA TROLEJBUS“

Obavještenje o nabavci broj: 257-7-1-84-3-192/25 objavljeno je na Portalu javnih nabavki dana 07.07.2025 godine, sažetak Obavještenja objavljen u „Službeni glasnik BiH“ broj: 40/25, od 11.07.2025 godine.

Nabavka roba „LOT 2012 B - STAKLA ZA VOZILA MINIBUS“ je planirana u Planu nabavke roba, usluga i radova KJKP „Gradski saobraćaj“ d.o.o. Sarajevo za 2025 god., dio robe, redni broj 20.

Procijenjena vrijednost nabavke roba „LOT 2012 B- STAKLA ZA VOZILA MINIBUS“, bez PDV-a iznosi 5.550,00 KM.

Prije pokretanja postupka javne nabavke, u skladu sa Članom 14a ZJN, izvršeno je istraživanje tržišta u svrhu pripreme nabavke i mogućnostima nabavke, upućeni e-mail zahtjevi za dostavljanje informativne ponude i svi dokumenti uloženi u predmet nabavke.

Na osnovu Izvještaja o preuzimanju tenderske dokumentacije sa portala E-nabavke od datuma objave do krajnjeg roka za preuzimanje tendersku dokumentaciju je preuzelo 6 potencijalnih ponuđača. Od strane potencijalnih ponuđača nije bilo postavljenih pitanja u vezi sa Tenderskom dokumentacijom.

Komisija za javnu nabavku imenovana je Odlukom Generalnog direktora broj: 05/457 od 25.07.2025 godine.

Na protokol Ugovornog organa, u ostavljenom roku za dostavljanje ponuda, blagovremeno je pristigla jedna ponuda i to ponuda ponuđača:

1. „DRR AUTO“ d.o.o. Kiseljak, ul. Kralja Tomislava br. 56, 71250 Kiseljak, zaprimljena pod brojem: 6456, dana 28.07.2025. godine.

U ostavljenom roku za otvaranje ponuda Komisija za javnu nabavku je dana 29.07.2025. godine blagovremeno i pravilno izvršila javno otvaranje dostavljene ponude ponuđača „DRR AUTO“ d.o.o. Kiseljak i sačinila Zapisnik sa otvaranja ponuda, koji je putem e-maila dostavljen ponuđaču.

Nakon javnog otvaranja Komisija za javnu nabavku je pristupila pregledu prispjele ponude i ocjene dostavljenih dokumenata – kvalifikacija ponuđača. Komisija za javnu nabavku je nakon pregleda ponude sačinila Zapisnik o pregledu i ocjeni ponude broj: 7090/2 od 18.08.2025 godine u kojem je utvrdila sljedeće:

- Na protokol Ugovornog organa blagovremeno je pristigla 1 (jedna) ponuda i to ponuda ponuđača „DRR AUTO“ d.o.o. Kiseljak, ul. Kralja Tomislava 56, 71250 Kiseljak, broj ponude 338/2025, zaprimljena na protokol ugovornog organa pod brojem 6456 od 28.07.2025. godine, **vrijednost ponude 6.430,00 KM bez PDV-a.**
- Nije bilo neblagovremeno zaprimljenih ponuda,
- **Dostavljena ponuda ponuđača je ocijenjena neprihvatljivom jer je cijena ponude znatno veća od planiranih sredstva za nabavku koja iznose 5.550,00 KM bez PDV-a.**

U postupku pregleda i ocjene ponuda Komisija je utvrdila da:

- cijena dostavljene ponude ponuđača „DRR AUTO“ d.o.o. Kiseljak iznosi 6.430,00 KM bez PDV-a, a planirana sredstva za nabavku su u iznosu 5.550,00 KM bez PDV-a, odnosno cijena ponude je znatno veća od obezbijeđenih sredstava za predmetnu nabavku, te je ista ocijenjena neprihvatljivom. Kako je u postupku nabavke jedina dostavljena ponuda, stekli su se uslovi za postupanje ugovornog organa u smislu odredbi Člana 69. stav (1) tačka b) i stav (2) tačka e) Zakona o javnim nabavkama kojima je predviđena obaveza ugovornog organa da poništi postupak javne nabavke u slučaju kada su cijene svih prihvatljivih ponuda znatno veće od obezbijeđenih sredstava za predmetnu nabavku.

Komisija je sa Zapisnikom o pregledu i ocjeni ponuda broj 7090/2, Upravi preduzeća uputila i Preporuku broj 7090 od 18.08.2025 godine za poništenje postupka nabavke roba „LOT 2012 B - STAKLA ZA VOZILA MINIBUS“, pokrenutog Odlukom Ugovornog organa br. 04/257, od 03.06.2025 godine, iz razloga što je ponuda ponuđača „DRR AUTO“ d.o.o. Kiseljak neprihvatljiva u smislu odredaba člana 69. stav (1) i stav (2) tačka e) Zakona o javnim nabavkama BiH obzirom da je ponuda znatno veća od obezbijeđenih sredstava za predmetnu nabavku.

Uprava preduzeća, u ime Ugovornog organa, je Zaključkom broj 04/458, od 26.08.2025. godine, prihvatila Preporuku Komisije o poništenju predmetnog postupka nabavke.

U postupku ocjene provedenog postupka, Uprava preduzeća nije našla razloge, nepravilnosti niti propuste u radu Komisije koji bi eventualno bili osnov za neprihvatanje Preporuke Komisije za nabavku. Komisija je pravilno postupila, te je Preporuka o poništenju postupka nabavke data u skladu sa Zakonom o javnim nabavkama, podzakonskim i internim aktima i zahtjevima iz Tenderske dokumentacije.

Iz navedenih razloga, primjenom odredaba člana 69. stav (1) tačka b) i stav (2) tačka e), člana 70. stav (1), (4) i (6) Zakona o javnim nabavkama („Službeni glasnik BiH“, broj 39/14, 59/22 i 50/24), člana 21 Pravilnika o nabavci roba usluga i radova KJKP „Gradski saobraćaj“ d.o.o. Sarajevo, donesena je odluka kao u dispozitivu.

POUKA O PRAVNOM LIJEKU

Protiv ove odluke, u skladu sa Članom 101. stav (1), tačka d) Zakona o javnim nabavkama BiH može se izjaviti žalba najkasnije u roku od 10 (deset) dana od dana prijema ove odluke.

Žalba se izjavljuje URŽ-u putem ugovornog organa u pisanom obliku neposredno na protokolu ili preporučenom poštanskom pošiljkom. Žalba se podnosi u dovoljnom broju primjeraka, a koji ne može biti manji od 3 (tri).

Za Ugovorni organ
Generalni direktor
Mr. Senad Mujagić



Dostavljeno:

1. DRR AUTO,, d.o.o. Kiseljak, Ul. Kralja Tomislava 56, 71250 Kiseljak
2. Uprava preduzeća
3. Odjeljenje javnih nabavki (u spis)
4. Odjeljenje javnih nabavki
5. Odjel Interne revizije
6. Arhiva

